

'Saya kumpul kekuatan'

Faezah kuat tekad tamat pengajian selepas hilang ibu bapa, 2 adik dalam kebakaran

Kampus



>>Oleh Helmy Abd Rahman

helmy@hmetro.com.my

SERDANG: Peristiwa menyayat hati dua tahun lalu apabila kedua-dua ibu, bapa selain dua adiknya maut serentak dalam tragedi kebakaran tidak mematahkan semangat Faezah Noor Kashuri, 22, dari Batu Pahat, Johor, untuk meneruskan pengajian hingga selesai sekali gus menggenggam selung ijazah.

Graduan Baccelor Pengkhususan Bahasa Inggeris itu berkata, sungguhpun pada awalnya patah semangat, dia berjaya menguatkan tekad untuk tidak mengaku kalah akibat kejadian meruntun perasaan itu.

Katanya, dia berharap keazaman ditunjukkan untuk meneruskan pengajian akan



FOTO | Ihsan UPM

TAHNNIAH...Faezah Noor (kanan) menerima ucapan tahniah daripada tenaga pengajar UPM sambil disaksikan Salahuddin (dua dari kiri), Farhana dan Juliana.

dituruti adik-adiknya hingga berjaya dalam hidup sekali gus membawa keluarga mereka keluar dari belunggu kemiskinan.

"Saya anak sulung dan kerana itu mahu tidak mahu

perlu juga berjuang meneruskan pengajian bagi membantu tiga adik lain yang terselamat dalam kejadian itu.

"Malah, kejadian itu menyebabkan kami adik ber-

adik jadi lebih peka untuk belajar ke peringkat lebih tinggi. Selain saya, dua adik, Salahuddin, 21, dan Juliana sedang meneruskan pengajian di peringkat ijazah sarjana muda sementara Far-

hana berada di tingkatan lima," katanya ketika ditemui pada Majlis Konvokesyen ke-33 Universiti Putra Malaysia (UPM) di sini, semalam.

Menceritakan tragedi meragut nyawa empat orang paling disayanginya itu, Faezah Noor berkata, ketika kejadian, dia berada dalam tahun dua di universiti terbabit.

"Luluh hati ketika diberitahu mengenai kejadian itu hingga kering air mata dibuatnya. Tapi bila sedar hakikat takdir dan mengenangkan adik-adik lain, saya kumpul kekuatan untuk teruskan juga pengajian," katanya.

Ditanya perancangan masa terdekatnya, Faezah Noor berkata, dia sedang berusaha mencari apa juga kerja yang boleh menampung keperluan diri dan tiga adiknya.

"Sekarang ini kami tinggal dengan nenek yang serba keadaifan. Saya harap selepas ini segera dapat kerja untuk membolehkan saya membantu keluarga," katanya.